

年譜

祭文

賦詩書雜著

悔堂文集

앞표지 뒷면

悔堂先生文集序

讀聖賢書能了二句語鮮矣

吾友字嘗甘之弟子入則孝出則

弟謹而位汎也衆與親仁行有

餘力則以進學文此一孝語以爲家

涉近結究而論之終身事業俱

在堂中雅堂以稱家禮先生結於

聖行志心不為異之憂德德讀

申振堂先生卷意稿及伯氏序

公以伯孝友錄噫先生卷序

行其德而後教之曰行其德而後教之

以美之曰德生天性也人全之

美入于德教之曰生教教之曰

道如天之有雨露地之有草木

子未之有偏法善可以為子古人

至教宗先生之宗系永在

十一歲未及就學之時自是以

之百不解事一目不交晷晷

夜侍初嘗得神思之或雜脩

經者命之為之曰而空觀者

陸清華一室雖為何如幾人少至  
慕父母血氣真則志隨而後  
孟子以失學為耻多予而慕之  
侍在母左人也心平氣和  
少而於侍嘗嘗與而願之及

之步之如孺子不侵禮孝友錄五

此得姻不忠復清艾子與子之論公

豈不可曰是六六六年一德也

君子之道也守中者君子也

親不自也守中者君子也



爲家室出爲民姓之爲能見之者

之先難調糴白有博守折一能家

爲道也孝者百行之源人社爲大矣

孝者百行之由也與推也知也

忠者父子家極也和睦守族而敦

宋以聖德信之況也夫夫之於此也

力學子完業就之道而正其身也

幼設儒高創書院以興社斯父為

已往法則不徒出矣天性而資身也

力矣以陳平之謂好學篤行一也

也必之文章得於餘力而存於

古則念名平篇能立一言一字之

出無能出於性情而先藝物之

不為能然其所以得之乎一生乎

矣為重其所以也其孰能起以門

老上令存公處禮及屬以行矣

與子責以弁卷首不佞何人哉

可以劣傳信之責而為佛之

稱禁茅屋平日素之五行道謂

執鞭而以版卷者不敢以圓通終辭

既喜加編定書聖以感概矣如是

以為悔當先書是稿存

出之十五年已未季秋庚午

葉平原李光庭謹叙

--	--	--	--	--	--

悔堂先生文集總目

年譜

跋

卷之一

賦

詩

卷之二

書

雜著

祭文

卷之三

附錄

卷之四

附錄

慎齋周先生遺墨

悔堂先生文集總目終



堂先生年譜

皇明武宗正德十一年中宗大丙子十二月

二十日癸亥酉時先生生于義城縣元興洞里

第

先生之先世居尚州丹密縣官洞至曾祖

生員公始移居義城縣南元興洞子孫因

居焉

十二年丁丑先生二歲

十三年戊寅先生三歲

十四年己卯先生四歲

十五年庚辰先生五歲

十六年辛巳先生六歲

自幼聰穎耿介悖行孝弟

世宗嘉靖元年壬午先生七歲始受小學

讀至半卷乃歎曰人子事親之道其在是  
書乎不煩程督日漸開益一言一動皆做  
而行之

二年癸未先生八歲

三年甲申先生九歲

四年乙酉先生十歲

五年丙戌先生十歲處士公有疾彌留先生上

### 八公山採藥

處士公素患風當寒添劇人言八公山有靈藥一日先生忽不知去處既而自八公山採藥而還求良醫劑進證遂少愈見者莫不感歎○先生夙夜憂遑不離左右所以扶護將順者靡不用極嘗置小鍋于鑪所進藥餌粥飲手自烹飪不委之人

六年丁亥先生十歲

七年戊子先生十歲

中堂集  
處士公嘗謂先生曰吾病非朝夕可已空  
使汝失讀書時先生溫辭對曰湯憂中讀  
書誠有所未遑且非古人餘力學文之義  
也猶重違親意時或在傍披閱亦不成聲

朗讀

八年己丑

先生十  
四歲

九年庚寅

先生十  
五歲

十年辛卯

先生十  
六歲

十一年壬辰

先生十  
七歲

十二年癸巳

先生十  
八歲

二月丁處士公憂

處士公倜儻有氣節值世昏濁隱德潛修  
以訓誨後進爲事 弘治甲子除慶基殿  
參奉不就丙寅後 除獻陵參奉又不起  
○先生侍湯不少懈目不交睫衣不解帶  
者凡八年旣屬纊勺水不入口絕而甦者  
數四歛襲等節一遵文公家禮無少餘憾  
當題銘旌執禮者請書職銜先生泣曰吾  
聞事亾如事存大人平日所不願者其忍  
施之於送終之際乎遂以處士書之當時  
知禮家皆許之

十一月葬處士公於八智山乾向之原

既葬廬于墓側入則善辭慰母夫人出必具經帶繞墓哀號不以風雨凍暑或廢仍構齋舍五架於墓下以爲永世寓慕之所○山下舊多居民知先生有入葬意相謂曰吾等亦人耳不忍違孝子之願遂許入葬焉

十三年甲午

先生十九歲

先生痛慕先公勸學之語讀禮之暇日取四子諸經次第尋究以涵泳義理爲主

十四年乙未

先生二十歲

四月服闋

服既闋哀慕猶切踰月後始自廬所還事  
母夫人日晨興省起居怡愉承順以樂其  
心安其體葛裘無或違節寢房柴樵亦自  
量多少以藝

十五年丙申

先生二十一歲

秋中鄉解

先生以親命從事塲屋之間而亦不以得  
失經心

十六年丁酉

先生二十二歲

十七年戊戌

先生二十三歲

二月承母夫人命遊泮

中

母夫人嘗語先生曰汝生晚窮鄉朋遊未  
廣吾聞太學賢士所關禮義相先之地盍  
往取則焉先生於是抱墳策往赴之齋居  
諸儒見先生言行有度莫不歛衽推重時  
柳立巖仲郢在泮中同榻研業情好彌篤

十八年己亥先生四歲春還鄉省親

自是慨然有求道之志研精覃思力學不  
怠

秋與伯氏靜隱公赴漢城試



及還靜隱公中途邁瘡先生扶護艱關至  
天民灘秋水正漲人言此水有毒螿不可  
徒涉先生不爲動背負以濟卒無事

十九年庚子先生五十二歲聘夫人李氏

秉節校尉智源之女耕隱先生孟專之曾  
孫事姑孝承順供奉惟恐不如先生志及  
姑年老養之以乳人比之崔山南家範云  
二十年辛丑先生六十二歲往拜龍巖朴公雲

時龍巖以經學重一世先生往來質疑殆  
無虛歲龍巖常稱先生曰申君家居行義

今世罕見在古輩名南其人也

二十一年壬寅先生二十七歲

時連歲荒饉家累往往餒食而先生與夫  
人服勤營辦以供親旨度閣滫瀡之味未  
嘗匱乏

二十二年癸卯先生二十八歲十月執贄謁慎齋周先

生于白雲洞書院

東方舊無書院慎齋先生時爲豐基守始  
創建于安文成公故居竹溪之上教育人  
材遠邇至集先生因贄文求教慎齋先生

以客禮待之畱數日出論題以試諸生及  
見先生所製異之批其尾曰我院有人其  
心如玉天將玉汝申其祿矣因告以言行  
相顧之實東方道學之緒亶亶忘倦焉

十一月謁退陶李先生于溪上

先生欽慕李先生嘗有執經之願至是聞  
李先生解職還鄉自白雲洞卽往拜之

自溪上還棲白雲洞

有月夜有感詩二絕

二十三年甲辰

先生二十九歲

仍畱白雲洞約同志

讀書

與趙月川穆金藥峯克一金芝山八元諸  
賢結道義交連牀對討日有夏攻互磨之  
益先生贈詩有語道心無教論詩患不回  
之句○先生之孫晚悟達道嘗從月川先  
生學月川先生每稱先生曰悔翁一生用  
工惟在本分上真古人爲己之學也又曰  
昔在慎齋之門從學者常數百人多以詞  
章製述爲務而公能切問近思專用心於  
內慎齋之屢加推獎蓋以此也

十一月 中宗昇遐○十二月還家省親  
先生畱竹溪已周年進而講之於師退而  
辨之於友堅固刻厲孜孜向道慎齋先生  
每以德器稱之臨歸贈一絕曰爲學師原  
水論交取兕觥相規惟十字庶悉百年情  
其眷重也如是○先生旣還謂靜隱公曰  
豐川之有書院乃是斯文盛事吾鄉獨無  
藏修之地予遂有營建書院之志

二十四年壬元宗大乙巳先生三十歲三月受處  
士公墓誌文於慎齋先生

慎齋先生傳  
先生常以葬未及埋誌爲恨至是請于慎齋先生慎齋先生爲之揄揚無餘憾先生曰吾之至願畢矣

七月 仁宗昇遐素饌三年

先生聞變哀慟曰生逢堯舜年未及周而遭此閔凶臣民情理寧不悲絕乎遂以素饌終三年人或怪而問之先生但曰余方有功總之憾雖家庭間亦莫知其微意之所在也

十月上慎齋先生書請記學資顛末

本縣之有學資始於慕齋金先生慕齋本  
義城人爲本道方伯時給粟八十斛以爲  
鄉儒講學之資厥後廢墜有年癸卯芮君  
厥成爲訓導告于邑宰張侯世沉侯夏惠  
學資一依慕齋故例先生備叙顛末請記  
文于慎齋先生記文藏在校中

十一月奉送慎齋先生還朝

時慎齋先生有召命

二十五年明宗大丙午先生三十一歲二月哭外

舅李公智源

李公歿無嗣先生庀棺槨祭奠盡其情禮  
又擇人立嗣無替李氏之祀

二十六年丁未

先生三十二歲

四月往問姊壻朴公

桂樹於赤羅縣獄

時朴公橫羅冤矣逮繫牢獄人莫敢伸理  
先生匹馬赴愬于方伯以直其冤後三年  
朴公歿喪葬凡節奔走經紀又收其四女  
一男而教育之以時嫁娶卒能成立其門

戶

八月子仙生



二十七年戊申先生三十三歲春自東都向鶴城觀

海

與鄭公瑜偕有散步南軒詩一律

夏赴救靜隱公病於八公山

時靜隱公避癘在八公山房因染疾幾殆先生聞卽奔往手執湯劑廢食與眠傷人以疫勢方熾勸其少節先生涕泣曰分痛之切何可念及吾生邪相守數十日竟獲痊而歸○平居事之甚謹有如溫公之於伯康凡奉先養親之需嫁女娶婦之節亦

中道集  
皆躬自擔當不少貽憂焉

秋勅業儒齋

先生之在竹溪也因朴嘯臬承任得聞榮  
川學制之盛至是與鄉人同志議定齋規  
一依榮川節目

二十八年己酉

先生三十四歲

謁退陶先生于豐基

郡衙

時退陶先生自丹陽移守豐基先生往謁  
焉與趙月川金芝山諸賢仍棲白雲洞書  
院質疑問難勤劬不怠芝山贈詩云孔訓

稱時習湯銘頌日新孜孜求道志矢不讓  
他人其同門相與之深如此

二十九年庚戌先生三十五歲九月子伧生

三十年辛亥先生三十六歲春除長水縣訓導

先生既屢舉不中乃歎曰古人以家貧親  
老不為祿仕為不孝吾將赴訓學以遂負  
米之情於是月致廩餼以資親養有自歎  
詩一律

與知縣趙龍門昱講定學規

時學規廢弛先生至則不以職慢嚴立課

程日與諸生講說經業不徒傳授句讀而必先教之以揖讓周旋之節孝弟忠信之道專以抑浮華敦本實爲務傍近學子亦多聞風興起而行束脩之禮者○龍門靜庵趙先生門人時爲長水宰畱意於學政先生與之講定節目

秋訪金河西麟厚於長城

先生於河西神交蓋有年至是與趙龍門往訪焉河西嘗從慕齋金先生游學識醇正先生一見傾倒歡若平生因聞慕齋道

學淵源之盛始有立祠崇奉之志

三十一年壬子先生七歲秋呈病還鄉歷訪盧

玉溪積於咸陽

三十二年癸丑先生八歲三月同邑宰賑境內

飢民

是歲大侵餓殍相望先生恫憫傷惻不啻

在己邑宰委以分賑之寄先生歎曰同胞

顛連一至於此豈可坐視其死而莫之恤

乎於是隨便經畫竭誠撫哺一境全活鄰

邑亦賴之

冬發洛行轉入白雲洞書院與鄭藥圃琢講  
論經義

是秋又失稔有再賑之舉先生以爲賑飢  
亦君子愛人之一事而顧其中有難容吾  
心力者白母夫人束裝向洛歷入白雲洞  
時鄭藥圃諸賢在院中相與訂其所疑

三十三年甲寅先生三十九歲二月自洛歷湖入關  
東訪黃大海應清而還

是行歷覽關東諸形勝及還首尾七箇月  
有寄傲亭風川峽閑居亭諸詠

七月慎齋先生訃至爲位哭之

先生以未及卒業爲恨遂心喪三年

九月同趙月川哭慎齋先生于武陵喪次○  
轉拜南冥曹先生于德山別業

先生遊南冥先生之門非一再嘗語人曰  
曹先生平居不喜向人談經說書然其言  
論風采自然有竦動人處對之非僻之心  
自不敢萌從學者多所啓發蓋有得於觀  
感之間者也

十二月李舍人友閔來訪

李公與先生有舊時以敬差官歷訪共論

賑濟之事

草賑場志

是歲又大饑邑宰忠先生賑饋之均敦勉再任先生辭不獲設施之方比前益加慈

詳焉

三十四年乙卯

先生四

黃錦溪俊良來訪

時黃公宰新寧每於故山之行必歷訪焉有時揚抗古今雅論冰生聽之者不覺爽

然



三十五年丙辰先生四十一歲二月與鄉人議建書

院於長川

長川在縣南九成山下山拱水抱高迴窈  
闐正合藏修之所先生自竹溪歸後有興  
起斯文之志是春約同志經紀焉

七月自元興洞移卜于陶巖

陶巖在縣東陶唐山下近城市而有山林  
之趣先生為老親僂養移卜于此因以為  
號

三十六年丁巳先生四十二歲八月遇朴龍巖於桃

源旅舍

龍巖時向陶山滯雨桃源先生遇於旅舍  
講論數日龍巖及還以起省頽惰等語貽  
書以謝之

秋營建書院正堂

先立十餘架因時屈未就

三十七年戊午

先生四十三歲

秋赴白雲洞講會

時朴嘯臯守豐基聚諸生講道于白雲洞  
書院書請先生先生往赴之嘯臯書有如  
玉其人常入夢中峽邑少事政好論量等

語

三十八年己未先生四十四歲拜退陶先生于陶山

是行奉玩李先生手編鄉約按師友錄先

生再謁陶山在癸卯己酉而先生所撰鄉

約識有往歲在陶山見手編鄉約之語蓋

陶山手編鄉約在丙辰而先生修定鄉約

在庚申則是年之復謁陶山無疑故補入

于此

三十九年庚申先生四十五歲春修定鄉約

本縣舊有鄉約而中廢先生嘗有意修舉

自陶山歸後益切欣慕與柳義興希潛議  
定規約取呂氏四條爲之綱以李先生所  
編罰目附焉每歲春秋與同約行勸懲如  
儀韶州鄉俗之見稱於江左者實賴一時  
倡導之力也有鄉約後識及詩一絕

柳公

漢陽人時謫居本縣

### 與遠近宗人定月朔會

先生常恨宗族散處不同憂樂議修契事  
定吉凶慶吊之規每月朔會于宗堂謁廟  
展親仍講敦睦勸學之義

四十年辛酉先生四十六歲

四十一年壬戌先生四十七歲

四十二年癸亥先生四十八歲春往問黃錦溪病于

中途

錦溪自星州任所辭疾歸未及家而歿先

生淡加勸惜

四十三年甲子先生四十九歲除清道郡訓導

先生黽勉就職未周年以親老辭歸

四十四年乙丑先生五十歲

四十五年丙寅先生五十一歲春除三嘉縣訓導

先生嘗書于壁上曰負重涉遠不擇地而  
休家貧親老不擇祿而仕此子路之言三  
復以還不覺流涕觀此則知先生之前後  
赴學皆為親屈也○先生所至學子公坐集  
戶屢常滿而諄諄誨誘不厭不怠課誦之  
暇引諸生講論古今得失以開發其心志  
以故成就者衆

秋與曹梅巖湜遊大隱山

先生嘗愛大隱山水與梅巖乘輿輒往觴  
詠以自適又與林葛川薰瞻慕堂芸兄弟

送相徵逐以資麗澤

穆宗隆慶元年丁卯先生五十二歲春棄學歸

先生又題壁上曰古人一日養不以三公

換即日遂棄歸

六月 明宗昇遐

二年王宣祖大戊辰先生五十三歲春構養老堂於

東皋

時母夫人年已過八十別構草屋三架扁

之曰養老雜植奇花異草奉母夫人日處

其中以定省溫清為職左右圖書翫而樂

惟寧卷之三  
之悠然有獨得之趣

手劄溪門諸子問答文義

先生喜讀心經近思錄朱子書等書蒐輯  
退陶先生與門生問答文義各於卷頭手  
自逐段劄錄以便考據筆法亦道勁端嚴  
淡得古人求放心法

三年己巳

先生四歲

秋書院成聚諸生居齋

先生與同志謀曰書院之設蓋將為興學  
育才而始事十許年迄未就緒豈吾輩經  
紀之本意乎遂稟議邑宰乃更經理歲再



周畢功於是依白雲洞院規擇鄉人才學  
俊秀者入齋相與講論經旨遠近爭慕從  
之至不能容

四年庚午

先生五十五歲

春與諸生會書院揭號長

川

院號卽巡相李公陽元所命也

十二月聞退陶先生易箚爲位哭之

行加麻之制

五年辛未

先生五十六歲

三月會葬退陶先生○林

葛川薰來訪

葛川時為比安倅過從無間

六年壬申

先生五十七歲

春建廟宇於院中享文敬

公慕齋金先生文元公晦齋李先生

本縣卽兩先生遺馥之地也先生之營建

書院蓋為兩先生遂立廟以祀之按孝友

錄諸編載廟享事單舉慕齋先生而冰溪

書院重修記以為嘉靖丙辰悔堂申公

議建書院于長川以祀慕齋晦齋兩先生

萬曆乙亥賜額云爾則晦齋先生奉

安似在同時故以并享書之

四月南冥先生訃至爲位哭之

神宗萬曆元年癸酉<sup>先生</sup>誕<sup>八</sup>作宴親曲八闕

先生閔親之老凡可以慰悅親心者無不  
致力每當節日與靜隱公歌闕以獻酌盡  
愛日之誠叙天倫之樂八闕逸不傳又嘗  
於醉席口占一絕曰愁裏生涯莫怨嗟吾  
門一樂最堪誇七旬兄弟斑衣處百歲慈  
親有幾家每進食必具二品請所與而與  
之有得親一歡者必厚謝之親所著褻衣  
常置小槽手先澣濯然後付之人僂旋之

器亦必躬自除穢未嘗使人爲之

二年甲戌

先生五十九歲

母夫人寢疾

先生晝夜遑遑重茵累席藉以白絮柔毛滑腴之物褰衣抱侍日復益謹母夫人閔其勞苦先生惕然曰子職固然有何勞焉

三年乙亥

先生六十歲

三月母夫人病少間先生

設酌於東臯

先是朴氏姊來省至是將還先生曰親病少間姊亦臨歸值此令節可不慰親之心乎遂設酌於東臯陪親攜兄姊邀鄰里老

嫗具酒食以相娛有一老嫗狂歌胡舞作  
俳優戲母夫人爲之一笑先生心欣然如  
有所得遂成終日之歡

上書方伯請陞書院爲 國學

先生倣退陶先生白雲洞故事與士林呈  
書方伯轉達于 朝遂有宣額之 命

摹母夫人影幀

有影幀識

六月丁母夫人憂

母夫人年九十有三氣候日益奄奄先生

嘗糞以驗每夜仰天祈號及喪號哭擗踊  
一如前喪時

十月甲申合葬母夫人于處士公墓

先生於送終之事極力措辦情文兩盡無  
有遺憾營窆之際躬自執役靜隱公慮其  
不堪諭止之先生曰國所自盡不爲疲也  
至是以母夫人影幘揭之几筵朝夕拜哭  
以致如在之誠

四年丙子

先生六十一歲

先生執禮過苦日糲食糜飲菜鹵不入口

幾周年以此瘠立殆不能支子弟請進草木之滋先生曰毀不滅性古人有戒吾豈不自量而爲之乎猶泣諫則曰命稟於有生之初豈以此致死乎

三月辛酉得癘疾

先生柴毀之中添得癘證甚重哭奠之禮猶不少廢焉

四月乙丑病勢漸革

先生委身苦塊轉側須人而猶以不能與祭爲痛至觀燈節令煮薺薇花將自奠扶

起盥漱而病已革子弟請歸家調護先生  
曰喪人死於墓側可矣何事於家夫人來  
省先生頓感曰廬所非婦人所至何以來  
爲問後事不答但曰我平生事親有未盡  
而又不得終孝用是爲憾欲哭不成聲因  
嗚咽曰我死後以母氏影頓揭于棺傍我  
將奉侍于泉下矣

辛未酉時終于廬所

是日先生命取紙筆書遺戒勉以忠孝之  
道精神了無差誤日晡時請靜隱公行夕



奠于几筵未及撤而終

六月葬于八智山處士公塋下

從先生遺命也

十八年庚寅鄉人具先生行誼呈書于邑宰  
轉聞于朝

旋值兵燹褒典未舉

三十一年癸卯鄉人生員具淵等更以先生  
行誼呈書于方伯方伯卽爲啓聞四月  
特命復戶

四十三年光海七年乙卯十月命旌門閭贈

通政大夫戶曹參議載錄于續三綱行實

我孝宗大王八年丙申五月建 旌閭閣于元

興洞立碑以表之

元興洞時有先生舊第孫司諫悅道撰碑  
陰小識曾孫衛率在書

九月地主安公應昌撰文祭墓

有黔婁奉疾高子執喪方喪盡制食素三  
年等語

顯宗大王 已酉士林營建書院于尼山

一鄉士林合辭以為先生孝友德學不可

無俎豆之所就先生所居之東尼山下卜地  
營建議以松隱金先生并享焉

十二年庚戌廟宇成

時新修 聖廟有舊材邑宰告于巡使悉  
付之院役又出力以助成

肅宗大王乙丑十月道內士林奉安位版于

藏待書院景賢祠 藏待旅軒張先生所命名

先是士林爲梧峯申先生敬亭李先生建  
廟于藏待李副學堂揆時爲邑宰以爲一  
鄉先賢不宜異祠使之合奉以故尼山廟

小正  
宇旣成而未卽奉安至是與松隱金先生  
梧峯申先生敬亭李先生合享于藏待

三十四年戊子三月立表石于壙南

五世孫進士德涵撰并書

英宗大王十六年庚申三月文集成

我先祖悔堂先生孝友行誼遙追祖武學問  
淵源獨得師傳當世之人亦旣知之矣後來  
學者又尊尚而俎豆之矣至於立言垂後則  
先生恆謙挹不自居故平生罕有所述旣述  
而旋棄者又多卽今流落於巾箱者僅同泰

山一毫芒然卽其所存而伏讀之則亦可以知  
先生躬行實踐之大畧矣蓋其沒身孝忠影幘  
識備矣求道誠心亦樂論詳之而興道倡學之  
功可考於書院業儒齋經始之際仁民愛物之  
心又可見於癸甲賑濟場施措之間自餘詩賦  
諸作無非出於愛親敬兄切問近思之意則噫  
此足以傳後又奚貴於多言哉歲己未將刊先  
生遺稿於本院正模時在藥城諸族以遺稿寄  
示并以年譜爲託噫藐茲孤蒙正爾惴約舊聞  
新知百弗存一何敢當此事耶顧今距先生之

沒且百有六十年宗中舊老彫謝殆盡失今不  
爲夏後數十年求先生警咳音容於髣髴且不  
可得况進乎此者乎遂敢撥昏考据輯成年譜  
而以孝友錄行狀師友錄墓道文字等祭文奉  
安文類次而附于後因又編次遺稿以俟當世  
君子之去取第恨聞見謏寡無以闡發潛德記  
所稱不明不仁是又正模之所大懼也觀者恕  
其僭而補其舛則幸矣歲舍己未正月上浣六  
世孫正模謹識

悔堂先生年譜終

悔堂先生文集卷之一目錄

賦

三近賦

霧豹賦

名者造物之所忌賦

三山賦

詩

棲白雲洞月夜有感二首

贈同志

邀康友

明善

次康友韻

往蔚山散步南軒

自歎

赴金景放彥種酒席與諸友共賦

遊中臺寺

癸丑冬在洛陽不禁思親之淚因占一絕

贈友人

早春月夜登樓有感

夜聞簷雨

江上贈別韓虞卿



題寄傲亭

過風川峽

過韓伯益閒居亭

謝權夢祥佩酒來慰

江上卽事

詠金松隱光粹萬年松

修定鄉約有感而作

次換鵝亭韻

述懷

登樓

贈寄梅村

旅館書懷

客中

次吾魚寺韻

再用前韻書懷

旅館書懷

思家

次友琴堂韻

次別全菊齋夢奎由行二首

遙贈曹幼清湜鄭仲尹

五月初九日李景明暹與其弟晁會于淨襟堂酒半景明忽吟一聲歌裏舉盃輕之句要我足成故搆拙以呈

贈全菊齋

病中謝友人來訪

手種黃菊垂楊相對軒窓愛而詠之二首

偶吟

醉席口占一絕

送柳義興

希潛

放還京城二首

贈宋而栗

題金內禁亭子

賀李君鎮山岳魁蓮初

贈別全菊齋還鄉

張天樞母夫人輓

梅堂先生文集卷之一目錄

龍溪先生文集卷之一

賦

三近賦

審吾法夫前修兮究入德之階級  
譬登高之自  
卑兮繇下學而上達攬三近之微旨兮悟誘掖  
之諄懇是用力而思企兮信違道之不遠天生  
德於最靈兮知仁勇爲良貴合五倫而包括兮  
該萬善而經緯緣氣質之不齊兮夏物欲之交  
牯人鮮能於盡性兮斯未及乎達德然工夫之  
在我兮豈企及之無術苟勉強而不息兮庶自

適而行遠學不措於窮格兮蔽自祛於愚溷行  
無怠於篤實兮私可克於分寸如知恥而著力  
兮可起懦而孟晉斯進德之有序兮認不遠而  
爲近知無如於好學兮固莫尚於力行孰非恥  
而能進兮亦做勇底工程終歸仁於不仁兮後  
也知於非知自能勇於向道兮其亦大於懷恥  
聿庶幾爲近之兮夫何遠之有焉及其知則同  
歸兮信仁得其亦然氣自配於道義兮勇何難  
於強矯是以謂之三近兮宐念茲而克劭然先  
務之最急兮要不外於斯恥宐無恥之是恥兮

效可見於憤悻苟於焉而或忽兮終必歸於自  
棄果能此而著力兮其進爲也孰禦柔斯矯而  
反剛兮昏可變而之曙何彼蒙之固念兮昧一  
心於奮勵尚不知於恥恥兮矧敢望於慥慥余  
劓是而惕然兮恥不若而思造踐斯言而服膺  
兮果何難於成德聊書紳而自詔兮企聖賢而  
爲則

霧豹賦

宅深山而晦跡兮樂渭莘之風月任上下於溪  
谷兮友麋鹿而得得忽反顧而騁目兮彼何獸

兮霧隱吾固知晦養而思變兮認成章而後見  
原厥豹之稟生兮異尋常之亭毒長毛蟲之三  
百兮抱猛氣之咆嘯志百獸於一吻兮窺九牛  
於三日願竢時而著靈兮蘊一嘯於風冽紛旣  
有此異質兮但未著於奇文爰蹲踞而晦跡兮  
樂翠霧之氤氳浹七日而休養兮跡不外於洞  
府掉輕尾於彩雲兮刷奇毛於清露俄幻形而  
變態兮韞自別於犬羊章彬彬而燦爛兮點斑  
斑而圓方表獨立兮山上儼威儀之可畏君千  
獸而最靈兮雄一壑而高視前熊羆使懼伏兮



後狐狸俾屏避誰知南山之暗藹兮乃豹變之  
所自苟非遵養之有素兮奚厥文之如是援乎  
物而反觀兮證人中之君子雖物我之有異兮  
蓋所養之一理當髻鬣之妙年兮有嶄然之頭  
角勤蒙養之以正兮要變化其氣質審黃中而  
通理兮羌內積而外發學日造於緝熙兮章自  
成於輝光儼睥面而盎背兮煥乎其有文章竟  
一出爲世用兮展素養而致澤自其變而論之  
兮同是豹之霧匿豈以物而觀物兮可舉一而  
反三倘不學而入官兮等無文之眈眈信乎殊

類而事一兮均有養而斯得夫何舉世之滔滔  
兮昧潤身之至德豹有隱霧之豹兮人無尚絅  
之人然不暇於責人兮盍反求於吾身期闇然  
而日章兮庶無羨於豹文

名者造物之所忌賦

潛衡宇而靖處兮慕善名而遐矯悲蟻眉之見  
妬兮懟芳蘭之遇燒彼世道不足論兮何造物  
之亦爾固美器之多猜兮認天路之同軌原茲  
名之克著兮道是善之在己旋性行而製佩兮  
襲道藝而爲服芳與澤其雜糅兮好修姱以自

潔紛既有此內美兮，譽積中而外彰。山舍輝於玉蘊兮，澗增彩於珠藏。騰遐邇而聳觀兮，在邦國而必達。何脩名之既立兮，奄羣訪之隨集。衆翬翬而議論兮，好蔽美而稱惡。紛河南之責望兮，閭雲臺之詆折。微雲起而日翳兮，尺霧障而天黑。咨嶢嶢之易缺兮，孰能全其姱節。無完名於世間兮，吾必歸於造物。謂福善而禍淫兮，反扶陰而抑陽。天難諶於勸戒兮，理亦昧於災祥。名聲著而詢至兮，道德高而毀生。吾知太空之冥冥兮，亦不免於世情。既在天而猶然兮，顧於

人而何責遂沿沂乎今古兮孰名下之無蹟周  
公困於管蔡兮仲尼危於武叔彼聖者猶若茲  
兮矧後人之足說悲屈子之懷沙兮哀賈生之  
賦鵬山斗望之昌黎兮歎朝陽之流落百世士  
之東坡兮悵惠州之漂泊于嗟乎大朴之日斲  
兮何化翁之效尤昔上古之無爲兮渾人心之  
不渝人有善而必名兮名自全而無缺揖古風  
而長歛兮顧末路而永惜然沒世而無稱兮亦  
君子之所疾願無懼於毀來兮益懋實於名立  
旣內省而無疚兮彼外至其奚病服葆名之至

訓兮聊作賦而自警

三山賦

閱天下之山經兮惟五嶽爲崢嶸紛衆峙之培  
塿兮儘眼底之庚庚倏起想於方外兮意悠揚  
而莫停俄蝴蝶之蘧蘧兮導塵蹤以遐征觀三  
山之竒挺兮賴扶持於神明鎮鰲頭以穹崇兮  
俯鯨波之縹緲隱映五雲之外兮杳靄三天之  
表鬱佳氣之葱葱兮動瑞光之曖曖惠風暢於  
瓊林兮靈泉湧於玉海森八桂之凌霜兮秀五  
芝兮傲雪樹璀璨於丹崖兮花爛熳於紫壑瑞

鳳翔兮交舞靈虬吠兮相嬉門磁石兮梁木蘭  
帳雲母兮簾琉璃杳風塵之不到兮隔幾重之  
寰區多僊子於此中兮與世緣而全疎餌石髓  
而換胎兮營紫霞以蛻骨挹沆瀣之精英兮攬  
瓊蘂之瀝液紛紅梨與碧藕兮爛冰桃與火棗  
指萬期於須臾兮享長年於不老或乘鸞而冲  
天兮或飛錫而凌空時酣醉於醴醪兮奏仙樂  
之鏗鏘是仙山之勝槩兮羌難得以備說噫上  
帝之臨下兮睠羣僊之脫俗嫌人世之僻陋兮  
恐受汚於塵穢乃拓基於大洋兮陶別有之真

界峙奇峯以鼎列兮秘真人之高躅曾倥傯之  
容與兮又子真之棲息遊赤松之玄蹤兮藏子  
喬之奇蹟倘宿緣之有契兮願躡蹤乎僊列嗟  
塵世之有累兮孰真訣之我傳俄黃梁之報熟  
兮倏迴駕以言旋望三清兮何許魂倘恍其如  
失喟神僊之杳茫兮說荒唐於三嶽噫燕齊之  
鬼怪兮鼓無前之說妄彼呂兒與劉郎兮謾騁  
望於海上事旣出於無稽兮豈虛僞之足尚覽  
聖人之格言兮戒君子以山立又體仁於厚重  
兮吾將取以爲法祝三壽之作朋兮共遐齡於

無極是至樂之所在兮又何必勞心於世外之  
靈嶽也哉

詩

棲白雲洞月夜有感二首 癸卯冬

雲歛煙消玉宇清  
月光如晝十分明  
離家兩載  
息歸客一句新詩萬斛情

溪聲月色一般清  
野雪山雲暗復明  
人靜院深  
千古趣肯教塵滓污心情

贈同志 甲辰

風定三更夜雲窓對月開  
幽懷塵外迴清景  
眼



前來語道心無數論詩息不回精神何所似疑  
是雪中梅時與趙士敬金伯純金舜舉諸賢同  
畱講業

邀康友明善○戊申

田村好雨連朝晝軟綠殘紅轉惱思莫惜遊筇  
煩一顧憑軒悵望已多時

次康友韻

高枕閒眠倚綠陰無端蝴蝶越千林飛廉定得  
掃雲曠且向明朝理屐尋

往蔚山散步南軒

春陰掩靄海門昏千里遊人獨斷魂夢入萱堂  
猶定省身羈旅舍苦馳奔家書幾日來南極客  
子何時到故園休道鶴城多勝槩愁懷稠疊不  
堪論

自歎

辛亥○初陰訓導時

書生賦命太多奇  
蠅屈年來兩鬢  
鬚絲學禮豈曾  
矇進退仕貧非  
是閔寒飢睢陽  
千笑人誰惠光  
範三書世莫知  
日暮途窮親已  
老強顏下祿涕  
交垂

赴金景放

彥种酒席與諸友共賦

留連半日醉淡盃軒外間看四季開千里洛城  
無限抱斜陽聯袂浩歌迴

遊中臺寺壬子

蒼茫日暮中臺寺陟岵吟詩愁思長雲盡東南  
天宇濶遙遙指點是吾鄉

癸丑冬在洛陽不禁思親之淚因占一  
絕

南望聞韶問幾許回頭天際客愁新傷心一夜  
憑軒淚白髮慈顏入夢頻

贈友人甲寅

雪滿川林夜正長  
客中愁思轉茫茫  
湖西不是秦京道  
東望家山暗斷腸

早春月夜登樓有感

階頭未見早梅開  
雲外徒聞斷鴈哀  
琴歌耐冷登樓久  
落月西岑始下來

夜聞簷雨

琮瑤簷雨聲悽斷  
遠遊情無朋可與晤  
無酒可與傾清愁  
不自耐撫琴到五更

江上贈別韓虞卿

渭北江東幾十秋  
相逢隔岸急招舟  
沙頭暫話

還分去離恨長於洛水流

題寄傲亭

一亭清絕壓江濱  
滿目雲煙色色奇  
雲浪千層風緊夜  
金波萬頃月明時  
山高西北松聲亂  
浦遠東南帆影遲  
泚筆登臨吟未了  
無端長笛隔林吹

過風川峽

化媪多情辨此巧  
別區奇勝擅名長  
凌虛鐵壁千尋許  
凝碧靈湫萬丈強  
巢鶴叫雲僊峽爽  
潛龍噓霧洞天涼  
浮生幸啓東遊路  
信馬歸來到

上方

過韓伯益間居亭

我是陶巖處士申偶經花洞訪幽人  
松杉谷口煙霞趣梅竹軒前雪月神  
塵事不曾驚醉夢風光長自逗和春  
何當此地同棲息養得從來不世身

謝權夢祥佩酒來慰

春窓牢落與誰伴月一榖來笑語稀  
賴有情朋珍重意松軒對酌送西暉

江上卽事

橫槎亂碧流野色屬高樓嶺黑催詩雨江寒滿  
袖秋汲清炊玉稻收網膾銀條暫醉方歸去茲  
行亦勝遊

詠金松隱光粹萬年松

萬年松葉萬年青幾歲風霜幾歲經晚翠不渝  
君子節笑他桃李一時榮

修定鄉約有感而作庚申

藍田遺約映千春末學猶欽呂氏仁後世子雲  
今幸見挽回薄俗惠吾人

次換鵝亭韻

斯亭勝槩判無雙  
一箇蓮池一箇江  
歎逝嗅香塵慮少  
五更明月滿吟窓

述懷

與錢誰是蘇司業  
遭罵甘爲鄭廣文  
扣冰愧之玉祥孝  
只切懷英望白雲

登樓

謀遣清愁獨上樓  
閒呵凍筆放詩眸  
詩眸忽作瞻雲苦  
閣筆還添萬斛愁

贈寄梅村

三年苦阻一千里  
雲樹依依意轉淡  
却憶春風



桃李夜開罇談笑吐幽襟

旅館書懷

孤伴寒燈到五更  
萱闈棗樹惱溪情  
羨看乳燕相隨樂  
愁聽征鴻獨叫聲  
明月入窓常起感  
輕風打葉暗生驚  
誰教驛使移梅樹  
開向寒齋滿意清

客中

飽喫酸辛客海陬  
西暉八眼涕雙流  
誰家有酒身無事  
長對親顏笑未休

次吾魚寺韻

中堂  
鷓鴣花初落柳條垂九十春光欲暮時坐愛潺流  
鳴澗谷醉看層壁起煙霏消愁但飲烏程酒念  
世寧悲墨子絲况值昇平烽燧冷主賓談笑且  
忘歸

再用前韻書懷

息親遊子惱方寸萬里天涯歲暮時望裏陰雲  
沈翳翳愁邊凍雨細霏霏登樓每攬霑襟淚對  
燭空梳滿鬢絲不識誰教縻斗祿孤形冷榻未  
言歸

旅館書懷

負米情難遂天南作遠遊  
留連經一歲悲淚日  
雙流

思家

永夜思歸意緒悽聞韶城畔  
數椽棲蕭蕭鶴髮  
今安否甘旨惟憑兄與妻

次友琴堂韻

萬里天西作遠遊清溪花洞共淹留  
居然密契成弦矢此日那堪我恨悠

次別全菊齋

夢奎

由行二首

時菊齋爲

本縣訓導

留琴歸去兩情多  
何恨龍城萬里賒  
手撫朱絃聊自慰  
暮林休感獨棲鴉

東籬殘菊影重重  
香氣猶存十月中  
自恨無人三字缺  
苔階寂寂暮煙籠

遙贈曹幼清混鄭仲尹

憶昔從遊處  
相知幾許深  
花壇曾對酌  
楓岸且披襟  
膠漆情無極  
樹雲思不任  
何時成邂逅  
重與細論心

五月初九日李景明暹與其弟晁會于

淨襟堂酒半景明忽吟一聲歌裏舉盃

輕之句要我足成故搆拙以呈

李友鼎

以護送官過此乃神交之有年者

十年故舊相逢處喜遇神交策駟經雙柄燭前  
開抱細一聲歌裏舉盃輕涼侵醉面眠難穩興  
激詩情筆不停分付良宵成好會三夏話語優  
忘形

贈全菊齋

雨後平臺上青山改舊容清吟誰與伴惆悵憶  
丰容

病中謝友人來訪

臥病無人問情懷孰與論  
愁看塵滿履恨見雀羅門  
一命危如縷千憂劇似雲  
多君來饋藥何以答慇懃

手種黃菊垂楊相對軒窗愛而詠之二  
首

六月東籬花正黃瓊英專不減重陽  
雖然自失清霜節未使幽人嗅晚香

晴窓用意種垂柳影拂蓮池翠色多  
風流未繫章臺客時見啼鶯喚友過

偶吟

水亭春半老庭樹落花飛雨後多清景閒窓可  
詠詩

醉席口占一絕

愁裏生涯莫怨嗟吾門一樂最堪誇七旬兄弟  
斑衣處百歲慈親有幾家

送柳義興希潛放還京城二首

賦鵬居然廿四春賜環今日荷天仁離亭惜別  
猶餘事淡恨鄉無考德人

陰盡陽生萬物春吾王聖澤儂同仁長沙一  
着何須恨獻策治安古有人

贈宋而栗

疇昔長安道相從也有緣如今咫尺地弱水復  
三千

題金內禁亭子

白雲淡處夏清潭止有華亭隱翠嵐想得主人  
閒適意堪羞塵世役東南

賀李君鎮山岳魁蓮榜

吾鄉文獻世稱多聯代科名問幾家蓮榜壯元  
君又占少年聲價最堪誇

贈別全菊齋還鄉



未展驥蹄鬢欲霜聞韶三載坐膠庠自多一識  
荆州面豈意重傾渭曲觴揜手離筵情繾綣停  
驂去路莫怱怱都將別後相思恨付與江波一  
帶長

張天樞母夫人輓

天賦貞嘉德空家婦道協無非夏無儀幽間且  
靜淑殫誠奉蘋蘩推息待僮僕嬌蕙閨中秀芳  
蘭庭際茁于嗟鳳先逝幾傷鏡裏哭人間七十  
年光陰如過客後院春已謝空閨照寒月丹旂  
向何處邱原風色列

悔堂先生文集卷之一